



**Tužilaštvo - Tužiteljstvo Bosne i Hercegovine**  
**Тужилаштво Босне и Херцеговине**

---

**Broj: A-326-4/24**

**Datum: 15.10.2024. godine**

Na osnovu člana 69. i 70. Zakona o javnim nabavkama Bosne i Hercegovine („Službeni glasnik BiH“ broj: 39/14, 59/22) i člana 30. Pravilnika o javnim nabavkama roba, usluga i radova Tužilaštva BiH broj: A-200/24 od 16.05.2024. godine, glavni tužilac Tužilaštva – Tužiteljstva BiH donosi

**ODLUKU**  
**o izboru najpovoljnijeg ponuđača**

**Član 1.**  
**(Predmet odluke)**

Ugovor o nabavci arhivskog regala za potrebe Tužilaštva-Tužiteljstva BiH, dodjeljuje se ponuđaču Kabas d.o.o. Sarajevo.

**Član 2.**  
**(Kriterij za dodjelu ugovora)**

1. Ponuda ponuđača iz člana 1. ove odluke zadovoljava sve uslove utvrđene u predmetnoj tenderskoj dokumentaciji za dostavu ponuda.
2. Ponuđaču iz člana 1. ove odluke, ugovor će biti dodijeljen u skladu sa elementima Ponude, te uslovima i kriterijima utvrđenim u Obavještenju o nabavci i tenderskoj dokumentaciji.

**Član 3.**  
**(Stupanje na snagu)**

Ova odluka stupa na snagu danom donošenja.

**Obrazloženje**

Postupak javne nabavke pokrenut je Odlukom o pokretanju postupka javne nabavke broj: A-326/24 od 03.09.2024. godine. Javna nabavka je provedena putem Otvorenog postupka. Procijenjena vrijednost nabavke je iznosila 63.675,21 KM bez PDV-a.

Obavještenje o nabavci je objavljeno na web portalu: <https://ejn.gov.ba/>, broj obavještenja: 435-1-1-70-3-25/24 od 03.09.2024. godine i u Službenom glasniku BiH broj: 60 od 06.09.2024. godine. Do krajnjeg roka za dostavu ponuda, na protokol Tužilaštva – Tužiteljstva BiH zaprimljene su tri (3) uredno zapečaćene i neotvorene ponude ponuđača: ProTim d.o.o. Sarajevo, Kabas d.o.o. Sarajevo i Adut plus d.o.o. Banja Luka.

Na osnovu Odluke o imenovanju Komisije za provođenje postupaka javnih nabavki Tužilaštva BiH za 2024. godinu, broj: A-517/23 od 30.11.2023. godine, članovi Komisije (u daljem tekstu: Komisija) izvršili su pregled i ocjenu ponude i utvrdili su sljedeće:

Ponude ponuđača ProTim d.o.o. Sarajevo i Kabas d.o.o. Sarajevo, zadovoljavaju uslove tražene TD, odnosno u skladu su sa Tehničkom specifikacijom i smatraju se prihvatljivim.

Ponuda ponuđača Adut plus d.o.o. Banja Luka smatra se nepravilnom, jer nije sačinjena u skladu sa TD. Ponuđač nije dostavio certifikat da je ponuđena roba testirana i certificirana prema GS standardu niti drugi dokaz kojim se potvrđuje da roba koju nudi odgovara traženoj i da je u skladu sa TD.

Takođe, je utvrđeno da projektna podloga/nacrt koju je dostavio ponuđač Adut plus d.o.o. Banja Luka nije u skladu sa traženom.

Cijeneći prethodno navedeno, uslove za pristup e-aukciji ispunili su ponuđači: ProTim d.o.o. Sarajevo i Kabas d.o.o. Sarajevo.

E-aukcija koja je održana dana 09.10.2024. godine. Nakon e-aukcije, Komisija je utvrdila da je e-aukcija u ovom postupku uspješno završena, da su oba ponuđača aktivno učestvovala, te da je nakon završetka e-aukcije najpovoljnija ponuda ponuđača Kabas d.o.o. Sarajevo.

Shodno navedenom, članovi Komisije su uputili preporuku glavnom tužiocu Tužilaštva – Tužiteljstva Bosne i Hercegovine za donošenje odluke o dodjeli ugovora ponuđaču Kabas d.o.o. Sarajevo.

Uzimajući u obzir navedeno, odlučeno je kao u dispozitivu odluke.

#### **Pouka o pravnom lijeku:**

Žalba se izjavljuje Uredu za razmatranje žalbi Bosne i Hercegovine putem Tužilaštva - Tužiteljstva Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od deset dana od dana prijema ove odluke.



**Milanko Kajganić**

Dostavljeno:

- Ponuđačima;
- Odjelu za mat.-fin. poslove.